

Troškovi slanja

Troškovi novčanih transfera iz zemlje u inostranstvu u kojoj se nalazite zavisi od više faktora. U slučaju banaka, sastoji se od sljedećih naknada.

- Naknade koju naplaćuje banka putem koje šaljete novac
- Naknade koju naplaćuje banka putem koji se prima novac
- Troškovi konverzije valute (u koliko se uplaćuje u različitim valutama)
- Drugi administrativni troškovi banaka

Na troškove utiče da li se koriste usluge korespondentne banke, te da li se uplata vrši korištenjem digitalnim finansijskim uslugama. Tokom korištenja servisa za slanje novca, naknade najčešće zavise od iznosa koji se šalje, ali i zemlje u koju se šalje, stoga postoje različite tarife. Također u smislu snošenja troškova postoje različite mogućnosti, pa tako pošiljalac određuje putem naloga za plaćanje opcije snošenja troškova. Opcije mogu biti sljedeće:

- OUR – troškove snosi pošiljac sredstava
- SHA – troškove snose i pošiljac i primalac (podijeljeni troškovi)
- BEN – sve troškove snosi primalac sredstava

Pri slanju doznaka potrebno je odlučiti se za brzinu transfera novca. Susretati ćete se sa sljedećim oznakama:

T+0 = transfer novca se dešava isti dan

T+1 = transfer se dešava dan poslije

T+2 = dva dana poslije

...

Ovaj aspekt je veoma bitan iz razloga što također utiče na trošak slanja doznaka, tj brzina kojom novac putuje.